

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 268646 25 St
Zenica, 12.01.2026. godine

Općinski sud u Zenici, stečajna sutkinja Sanja Pavlić, u stečajnom postupku koji je pokrenut po prijedlogu predlagatelja "RTV MAGLAJ" društvo za proizvodnju, prenos i emitovanje programa d.o.o. Maglaj, Viteška b.b., Maglaj, koga zastupa direktor Mahir Čaušić, za otvaranje stečajnog postupka nad samim sobom kao stečajnim dužnikom kao podnositeljem prijedloga, donio je 12.01.2026. godine sljedeće:

R J E Š E N J E

Pokreće se prethodni postupak radi utvrđivanja uvjeta za otvaranje stečajnog postupka nad stečajnim dužnikom

1. Za privremenu stečajnu upraviteljicu imenuje se Amerisa Saletović, 8.marta b.b., Zavidovići.
2. Privremeni stečajni upravitelj dužan je:
 - utvrditi da li postoje razlozi i uslovi za otvaranje i vođenje stečajnog postupka, te podnijeti izvještaj sudu u roku od 30 dana.
 - utvrditi da li je stečajni dužnik odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti
 - obezbijediti imovinu i starati se o imovini dužnika,
 - izvršiti pregled dužnikovih poslovnih prostorija i izvršiti uvid u poslovne knjige i dokumentaciju dužnika,
 - ispitati da li imovina stečajnog dužnika može pokriti troškove stečajnog postupka
 - utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka,
 - dužan je da stečajnom sucu položi račun i podnese izvještaj o svom radu za period privremene uprave.
3. Ročište radi utvrđivanja uvjeta za otvaranje stečajnog postupka određuje se za dan 02.04.2026. godine u 12,00 sati u zgradi ovog suda sudnica broj 29/II.
4. Na ročište se pozivaju:

Predlagatelj: "RTV MAGLAJ" društvo za proizvodnju, prenos i emitovanje programa d.o.o. Maglaj, Viteška b.b., Maglaj, koga zastupa direktor Mahir Čaušić

Protupredlagatelj: "RTV MAGLAJ" društvo za proizvodnju, prenos i emitovanje programa d.o.o. Maglaj, Viteška b.b., Maglaj, koga zastupa direktor Mahir Čaušić

Privremena stečajna upraviteljica: Amerisa Saletović,

5. Ovo rješenje se dostavlja strankama, objavljuje na oglasnoj tabli suda, web stranici suda-elektronskoj tabli suda, „Službenim novinama Federacije BiH“ i na internet stranici FIA-e.

O b r a z l o ž e n j e

Predlagatelj kao stečajni dužnik je ovom sudu podnio prijedlog za otvaranje stečajnog postupka 08.12.2025. godine u kojem navodi da društvo nije u mogućnosti izmirivati svoje nagomilane, prispjele i od povjerilaca potraživane obaveze plaćanja od 01.12.2025. godine, da računi nisu blokirani jer nisu prispjela rješenja o prinudnoj naplati, da obaveze u iznosu od 480.000,00 KM po posljednjem bilansu stanja nisu u stanju platiti, a odnose se na prispjele i neplaćene poreze i ostale obaveze prema dobavljačima, te da su ispunjeni uslovi za otvaranje stečajnog postupka.

Radi utvrđenja da li postoji stečajni razlog i da li postoje uvjeti za otvaranje stečajnog postupka sud je odlučio pokrenuti prethodni postupak i u tom pravcu imenovao je privremenu stečajnu upraviteljicu Saletović Amerisu sa stalne liste stečajnih upravitelja, te joj naložio da izvrši sve radnje navedene u izreci ovog rješenja, a sve u skladu sa odredbama čl. 61. stav 1. i 2. i čl. 63. Zakona o stečaju („Sl. Novine F BiH“ broj: 53/21 i 19/25).

Na osnovu iznesenog, primjenom navedenih propisa odlučeno je kao u izreci rješenja.

PRAVNA POUKA:

Protiv ovog rješenja stečajni dužnik može izjaviti žalbu Kantonalnom sudu u Zenici u roku od 8 dana, putem ovog suda, od dana prijema rješenja. Žalba se podnosi u dva primjerka.

Stečajna sutkinja
Sanja Pavlić, s.r.